

文選正文

山子點

六

十三冊內第七

特 279


301

二〇号

特279-301



1200501132296



始



2
Care
Hull

特279
301

類總集
屬漢總
冊十三
函十六
九
冊二第
五

文選正文卷之六

明九年九月十八日

詩類

贈蔡子篤詩四言

王祭

翼翼飛鸞。載飛載東。我友云徂。言及舊邦。舫舟翩翩。以泝大江。蔚矣荒塗。時行靡通。慨我懷慕。君子所同。悠悠世路。亂離多阻。濟岱江行。邈焉異處。風流雲散。一別如甫。人生實難。願其弗與。瞻望遐路。允企伊佯。烈烈冬日。肅肅淒風。潛鱗在淵。歸鴈載軒。苟非鴻鵬。孰能飛翻。雖則追慕。子思罔宣。瞻望東路。慘愴增歎。率彼江流。爰逝靡期。君子信誓。不遷於時。及于同寮。生死固之。何以贈行。言授斯詩。中心孔悼。涕淚漣漣。嗟爾君子。如何勿思。

贈王孫文始

王祭

天降喪亂靡國不夷我暨我友自彼京師宗守盪失越用遁
違遷于荆楚在漳之湄在漳之湄亦克宴處和通荒墳比德
車輔既度禮義卒獲笑語庶茲永日無傷厥緒雖曰無似時
不我已同心離事乃有逝止橫此大江淹彼南汜我思弗及
載坐載起惟彼南汜君子居之悠悠我心薄言慕之人亦有
言靡詰不思矧伊嫵媚胡不悽而晨風夕逝託與之期瞻仰
王室慨其永歎良人在外誰佐天官四國方阻俾爾歸藩爾
之歸藩作式下國無日蠻裔不虔汝德慎爾所主率由嘉則
龍雖勿用志亦靡忒悠悠澹澹鬱彼唐林雖則同城邈其迥
深白駒遠志古人所箴允矣君子不遐厥心既往既來無密

爾音

贈文叔良

王祭

翩翩者鴻率彼江濱君子于征爰聘西隣臨此洪渚伊思梁
岷爾行孔邈如何勿勤君子敬始慎爾所主謀言必賢錯說
申輔延陵有作依於斯是與先民遺跡來世之矩既慎爾主亦
迪知幾探情以華觀著知微視明聽聰靡事不惟董鬲荷名
胡寧不帥眾不可益無尚我言梧官致辯齊楚構患成功有
要在眾思歡人之多忌掩之實難瞻彼黑水滔滔其流江漢
有卷尤來厥休一邦若否職汝之由緬彼行人鮮克弗留尚
哉君子異于他仇人誰不勤無厚我憂惟詩作贈敢詠在舟

贈五官中郎將四首

五言

劉楨

昔我從元后整駕至南鄉。過彼豐沛都。與君共翱翔。四節相
推斥。季冬風且涼。衆賓會廣座。明鑿煇炎光。清歌製妙聲。萬
舞在中堂。金鼎含甘醴。羽觴行無方。長夜忘歸來。聊且爲人
康。四牡向路馳。歡悅誠未央。余嬰沉痾疾。竄身清漳濱。自夏
涉玄冬。彌曠十餘旬。當此游岱宗。不復見故人。所親一何篤。
步趾慰我身。清談同日夕。情眇叙憂勤。便復爲別辭。游車歸
西隣。素葉隨風起。廣路揚埃塵。逝者如流水。哀此遂離分。追
問何時會。要我以陽春。望慕結不解。貽爾新詩文。勉哉修令
德。北面自寵珍。

秋日多悲懷。感慨以長歎。終夜不寢寐。叙意於濡翰。明鑿曜
閨中。清風淒已寒。白露塗前庭。應門重其關。四節相推斥。歲
月忽欲殫。壯士遠出征。戎事將獨難。涕泣灑衣裳。能不懷所
歎。涼風吹沙礫。霜氣何皚皚。明月照緹幕。華燈散炎暉。賦詩連
篇章。極夜不知歸。君侯多壯思。文雅縱橫飛。小臣信頑魯。僮
俛安能追。

贈徐幹

劉楨

誰謂相去遠。隔此西掖垣。拘限清切禁。中情無由宣。思子沉
心曲。長歎不能言。起坐失次第。一日三四遷。步出北寺門。遙
望西苑園。細柳夾道生。方塘含清源。輕葉隨風轉。飛鳥何翻
翻。垂人易感動。涕下與衿連。仰視白日光。皦皦高且懸。兼燭
入絃內。物類無頗偏。我獨抱深感。不得與比焉。

贈從弟三首

劉楨

汎汎東流水，磷磷水中石。蘋藻生其涯，華葉紛擾溺。采之薦宗廟，可以羞嘉客。豈無園中葵，懿此出深澤。亭亭山上松，瑟瑟谷中風。風聲一何盛，松枝一何勁。冰霜正慘悽，終歲常端正。豈不羅凝寒，松柏有本性。鳳皇集南嶽，徘徊孤竹根。於心有不厭，奮翅凌紫氛。豈不常勤苦，羞與黃雀羣。何時當來儀，將須聖明君。

贈徐幹

曹植

驚風飄白日，忽然歸西山。圓景光未滿，眾星粲以繁。志士營世業，小人亦不閒。聊且夜行游，游彼雙闕間。文昌鬱雲興，迎風高中天。春鳩鳴飛棟，流歎激橫軒。顧念蓬室士，貧賤誠足憐。蔽藿弗充虛，皮褐猶不全。忼慨有悲心，興文自成篇。寶棄怨何人，和氏有其愆。彈冠俟知己，知己誰不然。良田無晚歲，膏澤多豐年。亮懷璵璠美，積久德逾宣。親交義在敦，申章復何言。

贈丁儀

曹植

初秋涼氣發，庭樹微銷落。凝霜依玉除，清風飄飛閣。朝雲不歸山，霖雨成川澤。黍稷委疇隴，農夫安所獲。在貴多忘賤，爲恩誰能博。孤白足禦冬，焉念無衣客。思慕延陵子，寶劍非所惜。子其寧爾心，親交義不薄。

贈王粲

曹植

端坐苦愁思，攬衣起西游。樹木發春華，清池激長流。中有孤

鴛鴦哀鳴水匹儔我願執此鳥惜哉無輕舟欲歸忘故道願
望但懷愁悲風鳴我側義和逝不畱重陰潤萬物何懼澤不
周誰令君多念自使懷百憂

又贈丁儀王粲

曹植

從軍度函谷驅馬過西京山岑高無極涇渭揚濁清壯哉帝
王居佳麗殊百城員闕出浮雲承露槃秦清皇佐揚天惠四
海無交兵權家雖愛勝全國爲令名君子在末位不能歌德
聲丁生怨在朝王子歎自營歡怨非貞則中和誠可經

贈白馬王彪

曹植

謁帝承明廬迺將歸舊疆清晨發皇邑日夕過首陽伊洛廣
且深欲濟川無梁汎舟越洪濤怨彼東路長願瞻戀城闕引

頌情內傷其一 大谷何寥廓山樹鬱蒼蒼霖雨泥我塗流潦
浩縱橫中遠絕無軌改轍登高岡修坂造雲日我馬玄以黃
其二 玄黃猶能進我思轡以紆鬱紆將難進親愛在離居本
圖相與借中更不克俱鳴臬鳴衡扼豺狼當路衢蒼蠅間白
黑譏巧令親疎欲還絕無蹊攬轡止踟躕其三 踟躕亦何留
相思無終極秋風發微涼寒蟬鳴我側原野何蕭條白日忽
西匿歸鳥赴喬林翩翩厲羽翼孤獸走索羣銜草不遑食感
物傷我懷撫心長太息其四 太息將何爲天命與我違奈何
念同生一往形不歸孤魂翔故域靈柩寄京師存者忽復過
亡沒身自衰人生處一世去若朝露晞年在桑榆間影響不
能追自顧非金石咄嗟令心悲其五 心悲動我神棄置莫復

陳丈夫志四海萬里猶比隣恩愛苟不虧在遠分日親何必
同衾憫然後展殷勤憂思成疾疢無乃兒女仁倉卒骨肉情
能不懷苦辛其六苦辛何慮思天命信可疑虛無求列仙松
子久吾歎變故在須臾百年誰能持離別永無會執手將何
時王其愛玉體俱享黃髮期收淚卽長路援筆從此辭其七

贈丁翼

曹植

嘉賓填城闕豐膳出中厨吾與二三子曲宴此城隅秦箏發
西氣齊瑟揚東謳有來不虛歸鵬至反無餘我豈狎異人朋
友與我俱大國多良材譬海出明珠君子義休倚小人德無
儲積善有餘慶榮枯立可須滔蕩固大節時俗多所拘君子
通大道無願爲世儒

贈秀才入軍五首 四言

嵇康

良馬旣閑麗服有擘左攬繁弱右接忘歸風馳電逝躡景追
飛凌厲中原顧盼生姿携我好仇載我輕車南凌長阜北厲
清渠仰落驚鴻俯引淵魚盤于游田其樂只且

輕車迅邁息彼長林春木載榮布葉垂陰習習谷風吹我素
琴咬咬黃鳥顧疇弄音感悟馳情思我所欽心之憂矣永嘯
長吟

浩浩洪流帶我邦叢萋萋綠林奮榮揚暉魚龍澗灑山鳥羣
飛駕言出游日夕忘歸思我良朋如渴如饑願言不獲愴矣
其悲

息徒蘭圃秣馬華山流磻平阜垂綸長川日送歸鴻手揮五

絃俯仰自得游心太玄嘉彼釣叟得魚忘筌郢人逝矣誰與盡言

閑夜肅清朗月照軒微風動桂組帳高寒旨酒盈樽莫與交歡鳴琴在御誰與鼓彈仰慕同趣其聲若蘭佳人不在能不永歎

贈山濤 五言

司馬彪

苕苕倚桐樹寄生於南岳上凌青雲霓下臨千仞谷處身孤且危於何託余足昔也植朝陽傾枝俟鸞鷲今者絕世用倥偬見迫束班匠不我顧牙曠不我錄焉得成琴瑟何由揚妙曲冉冉光馳逝者何速中夜不能寐撫劍起躑躅感彼孔聖歎哀此年命促下和潛幽冥誰能證奇璞冀願神龍來

揚光以見燭

答何劭二首

張華

吏道何其迫窘然坐自拘纓綬爲微繹文憲焉可踰恬曠苦不足煩促每有餘良朋貽新詩示我以游娛穆如灑清風煥若春華敷自昔同寮案於今比園廬衰疾近辱殆庶幾並懸輿散髮重陰下抱杖臨清渠屬耳聽鸞鳴流目翫儵魚從容養餘日取樂於桑榆

洪鈞陶萬類大塊稟羣生明闇信異姿靜躁亦殊形自予及有識志不在功名虛恬竊所好文學少所經忝荷旣過任白日已西傾道長苦智短責重困才輕周任有遺規其言明且清負乘爲我戒夕惕坐自驚是用感嘉貺寫心出中誠發篇

雖溫麗無乃違其情

贈張華

何劭

四時更代謝懸象迭卷舒暮春忽復來和風與節俱俯臨清
泉涌仰觀嘉木敷周旋我陋圃西瞻廣武廬既貴不忘儉處
有能存無鎮俗在簡約樹塞焉足慕在昔同班司今者並園
墟私願借黃髮逍遙綜琴書舉爵茂陰下携手共躊躇奚用
遺形骸忘筌在得魚

贈馮文罷遷斥丘令四言

陸機

於皇聖世時文惟晉受命自天奄有黎獻闔闔既闢承華再
建明明在上有集惟彥其一奕奕馮生哲問允迪天保定子
靡德不鏤邁心玄曠矯志崇邈遵彼承華其容灼灼其二嗟

我人斯戢翼江潭有命集止翻飛白帝出自幽谷及爾同林
雙情交映遺物識心其三人亦有言交道實難有類者弁千

載一彈今我與子曠世齊歡利斷金石氣惠秋蘭其四羣黎

未綏帝用勤止我求明德肆于百里命曰爾諧俾民是紀乃

眷北徂對揚帝祖其五疇昔之游好合纏綿世口未洽亦既

三年居陪華幄出從朱輪方驥齊鑣比迹回塵其六之子既

命四牡項領遵塗遠蹈騰軌高騁慶雲扶質清風承景嗟我

懷人其邁惟永其七否泰有殊窮達有違及子春華後爾秋

暉逝將去我陟彼朔陲非子之念心孰爲悲其八

答賈長淵并序

陸機

余昔爲太子洗馬魯公賈長淵以散騎常侍侍東宮積年余

出補吳王郎中令元康六年入爲尚書郎魯公贈詩一篇作此詩答之云爾

伊昔有皇肇濟黎蒸先天創物景命是膺降及羣后迭毀迭興邈矣終古崇替有徵其一在漢之季皇綱幅裂火辰匿暉金虎躍質雄臣馳驚義夫赴節釋位揮戈言謀王室其二王室之亂靡邦不泯如彼墜景曾不可振乃春三哲俾又斯氏啓土綏難收物承天其三爰茲有魏卽宮天邑吳實龍飛劉亦高亦高下下戈載揚俎豆載戢民勞帥興國旣凱入其四天厭霸德黃祚告讞獄訟違魏謳歌適晉陳留歸藩我皇登禪庸岷稽顙三江改獻其五赫矣隆晉奄宅率土對揚天人有秩斯祐惟公太宰光翼一祖誕育洪胄纂戎于魯其六東朝旣

建淑問戔戔我求明德濟同以和魯公戾止衮服委蛇思媚皇儲高步承華其七昔我逮茲時惟下僚及子棲遲同林異條年殊志比服外義稠游跨三春情固二秋其八祗承皇命出納無違往踐藩朝來步紫微升降秘閣我服載暉孰云匪懼仰肅明威其九分索則易携手實難念昔良游茲焉永歎公之云感貽此音翰蔚彼高藻如玉如蘭其十惟漢有木曾不踰境惟南有金萬邦作詠民之胥好狂狷厲聖儀形在昔予聞子命其十一

於承明作與士龍五言

陸機

牽世嬰時網駕言遠徂征飲餞豈異族親戚弟與兄婉孌居人思紆鬱游子情明發遺安寐寤言滄交纓分塗長林側揮

秋萬始亭佇盼。夏暹景傾耳。玩餘聲南歸憩。永安北邁頓承
明。永安有昨軌。承明子。乘子俯仰悲。林薄慷慨含辛楚。懷往
歡絕。端悼來憂成緒。感別慘舒。翻思歸樂。遵渚。

贈尚書郎顧彥先二首

陸機

大火貞朱光。積陽熙自南。望舒離金虎。屏翳吐重陰。淒風在
時序。苦雨遂成霖。朝游忘輕羽。夕息憶重衾。感物百憂生。纏
綿自相尋。與子隔蕭牆。蕭牆阻且深。形影曠不接。所託聲與
音。音聲日夜闕。何用慰吾心。

朝游游層城。夕息旋直廬。迅雷中宵激。驚電光夜舒。玄雲拖
朱閣。振風薄綺疏。豐注溢脩甍。潢潦浸階除。停陰結不解。通
衢化爲渠。沉稼潭梁頽。流民泝荆徐。眷言懷桑梓。無乃將爲

魚。

贈顧交趾公真

陸機

顧侯體明德。清風肅已邁。發迹翼藩后。改授撫南裔。伐鼓五
嶺表。揚旌萬里外。遠績不辭小。立德不在大。高山安足凌。巨
海猶縈帶。惆悵瞻飛駕。引領望歸旆。

贈從兄車騎

陸機

孤獸思故藪。離鳥悲舊林。翩翩游宦子。辛苦誰爲心。鬢谷
水陽婉孌。岷山陰管魄。懷茲土。精爽若飛沉。寤寐靡安豫。願
言思所欽。感彼歸塗艱。使我怨慕深。安得忘歸草。言樹背與
襟。斯言豈虛作。思鳥有悲音。

答張士然

陸機

效選函效 卷之六
潔身躋秘閣。秘閣峻且玄。終朝理文案。薄暮不遑眠。駕言巡
明祀。致敬在祈年。逍遙春王囿。躑躅千畝田。廻渠繞曲陌。通
波扶直阡。嘉穀垂重穎。芳樹發華顛。余固水鄉士。總轡臨清
淵。戚戚多遠念。行行遂成篇。

爲顧彥先贈婦二首

陸機

辭家遠行游。悠悠二千里。京洛多風塵。素衣化爲緇。修身悼
憂苦。感念同懷子。隆思亂心曲。沉歡滯不起。歡沉難克興。心
亂誰爲理。願假歸鴻翼。翻飛游江汜。
東南有思婦。長歎充幽闥。借問歎何爲。佳人眇天末。游宦久
不歸。山川脩且闊。形影參商乖。音息曠不達。離合非有常。譬
彼弦與箏。願保金石軀。慰妾長饑渴。

贈馮文龍

陸機

昔與二三子。游息承華南。拊翼同枝條。翻飛各異尋。苟無凌
風翮。徘徊守故林。慷慨誰爲感。願言懷所欽。發軔清洛汭。驅
馬大河陰。佇立望朔塗。悠悠迥且深。分索古所悲。志士多苦
心。悲情臨川結。苦言隨風吟。愧無雜佩贈。良訊代兼金。夫子
茂遠猷。款誠寄惠音。

贈弟士龍

陸機

行矣怨路長。怒焉傷別促。指途悲有餘。臨觴歡不足。我若西
流水。子爲東峙岳。慷慨逝言感。徘徊居情有。安得携手俱。契
闊成駢服。

爲賈謐作贈陸機四言

潘岳

肇自初創二儀細細身有生民伏羲始君結繩闡化八象成
文茫茫九有區域以分其一神農更王軒轅承紀畫野離疆
爰封衆子夏殷既曩宗周繼祀綿綿公鹿六國其峙其二疆
秦兼并吞滅四隅子嬰面櫬漢祖膺圖靈獻微弱在淖則淪
三雄鼎足孫啓南吳其三南吳伊何僭號稱王大晉統天仁
風遐揚偽孫銜璧奉土歸疆婉婉長離凌江而翔其四長離
云誰咨爾陸生鶴鳴九臯猶載厥聲况迺海隅播名上京爰
應旌招撫翼宰庭其五儲皇之選實簡惟良英英朱鸞來自
南岡曜藻崇正玄冕丹裳如彼蘭蕙載採其芳其六藩岳作
鎮輔我京室旋反桑梓帝弟作弼或云國官清塗攸失吾子
洗然恬淡自逸其七廊廟惟清俊又是延擢應嘉舉自國而

遷齊轡羣龍光讚納言優游省闈珥筆華軒其八昔余與子
繾綣東朝雖禮以賓情同友僚嬉娛絲竹撫鞞舞韶脩日朗
月携手逍遙其九自成離羣二周于今雖簡其面分著情深
子其超矣實慰我心發言爲詩俟望好音其十欲崇其高必
重其層立德之柄莫匪安恒在南稱相度北則橙崇子鋒穎
不頽不崩其十一

贈陸機出爲吳王郎中令

潘尼

東南之美曩惟延州顯允陸生於今妙儔振鱗南海濯翼清
流婆娑翰林容與墳丘其一玉以瑜潤隨以光融乃漸上京
羽儀儲官玩爾清藻味爾芳風泳之彌廣挹之彌沖其二崑
山何有有瑤有珉及爾同僚具惟近臣予涉素秋子登青春

愧無老成。廁彼日新。其三 祁祁大邦。惟桑惟梓。穆穆伊人。南國之紀。帝曰爾諧。惟王卿士。俯僕從命。奚恤奚喜。其四 我車既中。我馬既秣。星陳夙駕。載脂載轄。婉孌二宮。徘徊殿閣。醪酒莫饗。孰慰飢渴。其五 昔子忝私。貽我蕙蘭。今子徂東。何以贈旃。寸畧惟寶。豈無瓊璫。彼美陸生。可與晤言。其六

贈河陽 五言

潘尼

慮生化單。父子奇蒞。東阿桐鄉。建遺烈。武城播絃歌。逸驥騰夷路。潛龍躍洪波。弱冠步鼎鉉。既立宰三河。流聲馥秋蘭。摛藻豔春華。徒美天姿茂。豈謂人爵多。

贈侍御史王元貺

潘尼

崑山積瓊玉。廣廈構衆材。游鱗萃靈沼。撫翼希天階。膏蘭孰為清。濟治由賢能。王侯厭崇禮。迺迹清憲臺。螻屈固小往。龍翔迺大來。協心吡聖世。畢力讚康哉。

贈何劭王濟

并序

傅咸

朗陵公何敬祖。咸之從內兄。國子祭酒王武子。咸從姑之外孫也。並以明德見重於世。咸親之重之。情猶同生。義則師友。何公既登侍中。武子俄而亦作。賢相得其歡。咸亦慶之。然自恨闇劣。雖願其繾綣而從之。未由。歷試無效。且有家艱。心存目替。賦詩申懷。以貽之云爾。

日月光太清。列宿曜紫微。赫赫太晉朝。明明闕皇闕。吾兄既鳳翔。王子亦龍飛。雙鸞游蘭渚。一離揚清暉。携手升玉階。並坐侍丹帷。金璫綴惠文。煌煌發令姿。斯榮非彼庶。繾綣情所

希豈不企高蹤。麟趾逸難追。臨川靡芳餌。何爲守空坻。稿葉待風飄。逝將與君違。違君能無戀。尸素當言歸。歸身蓬華廬。樂道以忘飢。進則無云補。退則恤其私。但願隆弘美。王度日清夷。

答傅咸

郭泰機

皎皎白素絲。織爲寒女衣。寒女雖效巧。不得秉杼機。天寒知運速。况復鴈南飛。衣工秉刀尺。棄我忽若遺。人不取諸身。世事焉所希。况復已朝餐。曷由知我飢。

爲顧彦先贈婦詩二首

陸雲

悠悠君行邁。茫茫妾獨止。山河安可踰。永路隔萬里。京室多妖冶。粲粲都人子。雅步擢纖腰。巧笑發皓齒。佳麗良可美。衰賤焉足紀。遠蒙眷顧言。銜恩非望始。

浮海難爲水。游林難爲觀。容色貴及時。朝華忌日晏。皎皎彼姝子。灼灼懷春粲。西城善雅舞。總章饒清澗。鳴簧發丹唇。朱絃繞素腕。輕裾猶電揮。雙袂如霧散。華容溢藻湄。哀響入雲漢。知音世所希。非君誰能讚。棄置北辰星。問此玄龍煥。時暮復何言。華落理必賤。

答兄機

陸雲

悠遠塗可極。別促怨會長。銜思戀行邁。興言在臨觴。南津有絕濟。北渚無河梁。神往同逝感。形留悲參商。衡軌若殊迹。牽牛非服箱。

答張士然

陸雲

行邁越長川。飄飄冒風塵。通波激枉渚。悲風薄丘榛。修路無窮迹。井邑自相循。百城各異俗。千室非良隣。歡舊難假合。風土豈虛親。感念桑梓域。髮髯眼中人。靡靡日夜遠。眷眷懷苦辛。

答盧謨四言并序

劉琨

琨頓首。損書及詩。備辛酸之苦言。暢經通之遠旨。執玩反覆。不能釋手。慨然以悲。歡然以喜。昔在少壯。未嘗檢括。遠慕老莊之齊物。近嘉阮生之放曠。怪厚薄何從而生。哀樂何由而至。白項摧張。困於逆亂。國破家亡。親友彫殘。塊然獨坐。則哀憤兩集。負杖行吟。則百憂俱至。時復相與。舉觴對膝。破涕爲笑。排終身之積慘。求數刻之暫歡。譬由疾疢。彌年而欲一丸。

銷之。其可得乎。夫才生於世。世實須才。和氏之璧。烏得獨耀於郢。握夜光之珠。何得專玩於隋。掌天下之寶。固當與天下共之。但分析之日。不能不悵恨。爾然後知。聃周之爲虛誕。嗣宗之爲妄作也。昔駿驥倚輶。於吳阪。長鳴於良樂。知與不知也。白里奚愚於虞。而智於秦。遇與不遇也。今君遇之矣。最之已。不復屬意於文。二十餘年矣。久廢則無次。想必欲其一反。故稱指送一篇。適足以彰來詩之益美耳。琨頓首頓首。

厄運初遘。陽爻在六。乾象棟傾。坤儀舟覆。橫厲糾紛。羣妖競逐。火燎神州。洪流華域。彼黍離離。彼稷育育。哀我皇晉。痛在心目。其一。天地無心。萬物同塗。禍淫莫驗。福善則虛。逆有全邑。義無完都。英葉夏落。毒卉冬敷。如彼龜玉。謫積毀諸。芻狗

之談其最得乎。其二咨余軟弱弗克負荷。愆戾仍彰。榮寵屢加。威之不建。禍延凶播。忠限于國。孝愆于家。斯罪之積。如彼山河。斯黨之深。終莫能磨。其三郁穆舊姻。媿婉新婚。不慮其敗。惟義是敦。裹糧携弱。匍匐星奔。未輟爾駕。已隳我門。二族偕覆。二孽並根。長慚舊孤。永負冤魂。其四亭亭孤幹。獨生無伴。綠葉繁縟。柔條脩罕。朝採爾實。夕捋爾竿。竿翠豐尋。逸珠盈碗。寔消我憂。憂急用緩。逝將去矣。庭虛憤滿。其五虛滿伊何。蘭桂移植。茂彼春林。瘁此秋棘。有鳥翻飛。不遑休息。匪桐不棲。匪竹不食。永戢東羽。翰撫西翼。我之敬之。廢歡輟職。其六音以賞奏。味以殊珍。文以明言。言以暢神。之子之往。四美不臻。澄醪覆觴。絲竹生塵。素卷莫啓。幄無談賓。旣孤我德。又

關我隣

其一

光光良生。出幽遷喬。資忠履信。武烈文昭。旌弓

駢駢。與馬翹翹。乃奮長縻。是響是鑾。何以贈子。竭心公朝。何以叙懷。引領長謠。其八

重贈盧湛五言

劉琨

握中有懸壺。本自荆山璆。惟彼太公望。昔在渭濱叟。鄧生何感激。千里來相求。白登幸曲逆。鴻門賴留侯。重耳任五賢。小白相射鉤。苟能隆一伯。安問黨與讐。中夜撫枕歎。想與數子游。吾衰久矣夫。何其不夢周。誰云聖達節。知命故不憂。宣尼悲獲麟。西狩涕孔丘。功業未及建。夕陽忽西流。時哉不我與。去乎若雲浮。朱實隕勁風。繁英落素秋。狹路傾華蓋。駭駟摧雙輪。何意百鍊剛。化為繞指柔。

贈劉琨并書四言

盧湛

故吏從事中郎盧湛死罪死罪譴稟性短弱當世罕任因其
自然用安靜退在木闕不材之資處鴈之善鳴之分卷異蘧
子愚殊甯生匠者時盼不免饌賓嘗自思惟因緣運會得蒙
接事自奉清塵于今五稔謨明之效不著候人之譏已彰大
雅含弘量包山藪加以待接彌優款眷逾昵與運籌之謀厠
譙私之歡綢繆之旨有同骨肉其爲知己古人因喻昔前政
殉嚴遂之顧荆軻慕燕丹之義意氣之間糜驅不悔雖微途
節謂之可庶然苟曰有情孰能不懷故委身之日夷險已之
事與願違當忝外役遂去左右收迹府朝蓋本同未異楊朱
興哀始素終玄墨翟垂涕分乖之際咸可歎慨致感之途或

迫于茲亦奚必臨路而後長號觀絲而後歎歎哉是以仰惟
先情俯覽今遇感存念亡觸物增眷易曰書不盡言言不盡
意然則書非盡言之器言非盡意之具矣况言有不得至於
盡意書有不得至於盡言耶不勝猥邁謹貢詩一篇抑不足
以揄揚弘美亦以攄其所抱而已若公肆大惠遂其厚恩錫
以咳唾之音慰其違離之意則所謂咸池酬於北里夜光報
於魚目譔之願也非所敢望也譔死罪死罪

濬哲惟皇紹熙有晉振厥弛維光闡遠韻有來斯雍至止伊
順三台擢朗四岳增峻其伊陟佐商山甫翼周弘濟艱難
對揚王休苟非異德曠世同流加其忠貞宜其徽猷其二伊
譔陋宗昔邁嘉惠申以婚姻著以累世義等休戚好同興廢

孰云匪諧如象之契其三王室喪師私門播遷望公歸之視
險忽艱茲願不遂中路阻顛仰悲先意俯思身愆其四大鈞
載運良辰遂往瞻彼日月迅過俯仰感今惟昔日存心想借
曰如昨忽爲疇曩其五疇曩伊何逝者彌疎溫溫恭人慎終
如初覽彼遺音恤此窮孤譬彼膠木蔓葛以敷其六妙哉蔓
葛得託膠木葉不雲布華不星燭承伴卞和質非荆璞眷同
尤良用乏驥騶其七承亦既篤眷亦既親飾獎驚狼方駕駿
珍疇諾靡成良謨莫陳無覬孤趨有與五臣其八五臣奚與
笑關百罹身經險阻足蹈幽遐義由恩深分隨昵加綢繆委
心自同匪他其九昔在暇日妙尋通理尤彼意氣狹是節士
情以體生感以精起趣各同要窮達斯已其十由余片言秦

人是憚日殫效忠飛聲有漢桓桓撫軍古賢作冠來牧幽都
濟厥塗炭其一塗炭既濟寇挫民阜謬其疲隸授之朝右
上懼任大下欣施厚實祗高明敢忘所守其十二相彼反哺
尚在翔禽孰是人斯而忍斯心每憑山海庶覲高深遐眺存
亡緬成飛沉其十三長徽已纒逝將徙舉收跡西陵銜哀東
顧曷云塗遼曾不咫尺豈不夙夜謂行多露其十四綿綿如
蘿施于松標稟澤洪幹晞陽豐條根淺難固莖弱易彫操彼
纖質承此衝颺其十五纖質寔微衝颺斯值誰謂言精致在
賞意不見得魚亦忘厥餌遺其形骸寄之深識其十六先民
頤意潛山隱几仰熙丹崖俯澡綠木無求於和自附衆美慷
慨遐蹤有愧高旨其十七爰造異論肝膽楚越惟同大觀萬

塗一轍。死生既齊。榮辱奚別。處其玄根。靡焉靡結。其十八。福
爲禍始。禍作福階。天地盈虛。寒暑周廻。夫差不祀。爨在勝齊。
句踐作伯。祚自會稽。其十九。邈矣達度。唯道是杖。形有未泰。
神無不暢。如川之流。如淵之量。上弘棟隆。下塞民望。其二十。

贈崔溫五言

盧諶

逍遙步城隅。暇日聊游豫。北眺沙漠垂。南望舊京路。平陸引
長流。岡巒挺茂樹。中原厲迅駭。山阿起雲霧。游子恒悲懷。舉
目增永慕。良儔不獲偕。舒情將焉訴。遠念賢士風。遂存往古
務。朔鄙多俠氣。豈惟地所固。李牧鎮邊城。荒夷懷南懼。趙奢
正疆場。秦人折北慮。羈旅及寬政。委質與時遇。恨以鴛鴦姿。
徒煩非子御。亦既馳負擔。忝位宰黔庶。苟云免罪戾。何暇收

民譽。倪寬以殿黜。終乃昆衆賦。何武不赫赫。遺愛常在去。古
人非所希。短羽自有素。何以敷斯辭。惟以二子故。

答魏子餘

盧諶

崇臺非一榦。珍裘非一腋。多士成大業。羣賢濟弘績。遇蒙時
來會。聊齊朝彥跡。顧此腹背羽。愧彼排虛翮。寄身蔭四岳。託
好憑三益。傾蓋雖終朝。大分邁疇昔。在危每同險。處安不異
易。俱涉晉昌艱。共更飛狐厄。恩由契闊生。義隨周旋積。豈謂
鄉曲譽。謬充本州役。乖離令我感。悲欣使情惕。理以精神通。
匪曰形骸隔。妙詩申篤好。清義貫幽巖。恨無隨侯珠。以酬荆
文璧。

答靈運

謝瞻

夕霽風氣涼。閑房有餘清。開軒滅華燭。月露皓已盈。獨夜無
物役。寢者亦云寧。忽獲慈霖唱。懷勞奏所誠。歎彼行旅艱。深
茲眷言情。伊余雖寡慰。殷憂豈爲輕。率酬嘉藻長。揖愧吾
生。

於安城答靈運

謝瞻

條繁林彌蔚。波清源逾濬。濯華宗誕吾。秀之子紹前胤。綢繆結
風微。網緼吐芳訊。鴻漸隨事變。雲臺與年峻。其一華萼相光
飾。嬰鳴悅同響。親親子敦余。賢賢吾爾賞。比景後。鮮輝方年
一日長。萎葉愛榮條。涸流好河廣。其二殉業謝成操。復禮愧
貧樂。幸會果代耕。符守江南曲。履運傷佳苒。遵塗歎緬邈。布
懷存所欽。我勞一何篤。其三肇允雖同規。翻飛各異槩。迢遞

封畿外。竊窕承明內。尋塗塗既既。即理理已對。絲路有恒悲。
矧迺在吾愛。其四跬行安步武。鉞翻周數仞。豈不識高遠。違
方往。有吝歲寒霜。雪嚴過半路。逾峻量已畏。友朋勇退不敢
進行矣。勵今猷。寫誠酬來訊。其五

西陵遇風獻康樂

謝惠連

我行指孟春。春仲尚未發。趣途遠有期。念離情無歇。成裝候
良辰。漾舟陶嘉月。瞻塗意少悰。還顧情多闕。其一哲兄感化
別相送。越垌林。飲餞野亭館。分袂澄湖陰。悽悽留子言。眷眷
浮客心。迴塘隱艫棹。遠望絕形音。其二靡靡卽長路。戚戚抱
遙悲。悲遙但自弭。路長當語誰。行行道轉遠。去去情彌遲。昨
發浦陽汭。今宿浙江湄。其三屯雲蔽會嶺。驚風涌飛流。零雨

潤墳澤落雪灑林丘。浮氛晦崖巘。積素惑原疇。曲汜薄停旅。
通川絕行舟。其四臨津不得濟。作楫阻風波。蕭條洲渚際。氣
色少諧和。西瞻興遊歎。東睎起悽歌。積憤成疾疴。無萱旒如
何。其五

還舊園作見顏范二中書

謝靈運

辭滿豈多秩。謝病不待年。偶與張剛合。久欲還東山。聖靈昔
廻眷。微尚不及宣。何意衝飈激。烈火縱炎煙。焚玉發崑峯。餘
燎遂見遷。投沙理既迫。如中願亦愆。長與歡愛別。永絕平生
緣。浮舟千仞壑。總轡萬尋顛。流沫不足險。石林豈爲艱。閩中
安可處。日夜念歸旋。事蹟兩如直。心慙三避賢。託身青雲上。
棲巖挹飛泉。盛明溢氛昏。貞休康屯遭。殊方咸成貸。微物豫
采甄。感深操不固。質弱易板纏。曾足反昔園。語往貫款然。曩
基卽先築。故池不更穿。果木有舊行。壤石無遠延。雖非休憩
地。聊取永日閑。衛生自有經。息陰謝所牽。夫子照情素。深懷
授往篇。

登臨海嶠初發臺中作與從弟惠連可見字何共相之

謝靈運

杪秋尋遠山。山遠行不近。與子別山阿。含酸赴修吟。中流袂
就判。欲去情不忍。顧望腹未飽。汀曲舟已隱。隱汀絕岸舟。鷺
棹逐鷺流。欲抑一生歡。并奔千里游。日落當樓薄。繫纜臨江
樓。惟夕情斂憶。爾共淹留昔時歡。復增今日歎。茲情
已分慮。况乃協悲端。秋泉鳴北澗。哀援響南巒。戚戚別別心。

悽悽久念巖嶺念攻別心且發青谿陰。願投刺中宿明登天姥。火高高人雲寬。還期那可尋。儻遇浮丘公長絕子徽音。

酬從弟惠連

謝靈運

寢瘵謝人徒滅迹。人雲峯巖壑寓耳目。歡愛隔首容。水絕賞心望長懷。莫與同木路。值令弟開顏披心胷。其心胷既云披。意得成在斯。凌澗尋我室。散帙問所知。夕慮曉月流。朝忘曠日馳。悟對無厭歇。聚散成分離。其分離別四川。廻景歸東山。別時悲已甚。別後情更延。傾想運嘉音。果枉濟江篇。辛勤風波事。欵曲洲渚言。其洲渚既淹時。風波了行運。務協華京想。詎存空谷期。猶復惠來章。祇足攬余思。儻若果歸言。共陶暮春時。其四暮春雖未交。仲春善遊遨。山桃發紅萼。野

蕨漸紫苞。鳴嚶已悅豫。幽居猶鬱陶。夢寐存歸舟。釋我吝與勞。其五

贈王太常

顏延之

玉水記方流。璇源載圓折。蕭寶每希聲。雖秘猶彰徹。聆龍蹕九淵。聞鳳窺丹穴。歷聽豈多士。雖然觀世哲。舒文廣國華。敷言遠朝列。德輝灼邦懋。芳風被鄉耆。側同幽人居。郊扉常晝閉。林間時晏開。亟廻長者轍。庭昏見野陰。山明望松雪。靜惟淡羣化。徂生人窮節。豫往誠歡歇。悲來非樂閱。屬美謝繁翰。遙懷具短札。

夏夜呈從兄散騎車長沙

顏延之

炎天方埃鬱。暑晏閱塵紛。獨靜闕偶坐。臨堂對星分。側聽風

薄木遙瞻月開雲。夜蟬當夏急。陰蟲先秋聞。感候初過半。荃蕙豈久芬。屏居惻物變。慕類抱情殷。九逝非空思。七襄無成文。

直東宮答鄭尚書

顏延之

皇居體環極。設險祗天丁。兩關阻通軌。對禁限清風。歧予旅東館。徒歌屬南塘。寢興鬱無已。起觀辰漢中。流雲蕩青闕。皓月鑿丹宮。踟躕清防密。徒倚恒漏窮。君子吐芳訊。感物惻余衷。惜無丘園秀。景行彼高松。知言有誠實。美價難克充。何以銘嘉貺。言樹絲與桐。

和謝監靈運

顏延之

弱植慕端操。窘步懼先迷。寡立非擇方。刻意藉窮棲。伊昔遊多幸。秉筆侍兩闈。雖慚丹腹施。未謂玄素皎。徒遭良時談。玉道奄昏霾。人神幽明絕。朋好雲雨乖。屈江洲浦。肅帝蒼山蹊。倚巖聽緒風。攀林結畱蕙。歧子間衡嶠。曷月瞻秦稽。皇聖昭天德。豐澤振沈泥。惜無雀雉化。何用充海淮。去國還故里。幽門樹蓬萊。采茨苴昔宇。前棘開舊畦。物謝時旣晏。年往志不偕。親仁敷情昵。典坑究辭懷。芬馥歇蘭若。清越奪琳瑯。言非報章聊。川布所懷。

答顏延年

王僧達

長卿冠華陽。仲連擅海陰。珪璋旣文府。精理亦道心。君子從高駕。塵軌實爲林。崇情符遠迹。清氣溢素襟。結游略年義。篤顧棄浮沈。寒榮共偃曝。春醞時獻斟。昔來歲序暄。輕雲出東

翠麥離多秀色揚。園流好音歡。此乘日暇。忽忘遊景。侵幽衷。何用慰翰墨。久謠吟。棲鳳難爲條。淑旣非所除。誦以永周旋。匪以代兼金。

郡內高齋閑坐答呂法曹

謝朓

結構何迢遞。曠望極高深。窻中列遠岫。庭際俯喬林。日出衆鳥散。山暝孤猿吟。已有池上酌。復此風中琴。非君子無度。孰爲勞寸心。惠而能好我。問以瑤華音。若遺金門步。見就玉山岑。

在郡臥病呈沈尚書

謝朓

淮陽股肱守。高臥猶在茲。况復南山曲。何異幽棲時。連陰盛農節。簞笠聚東菑。高閣常晝掩。荒階少諍辭。珍簟清夏至。輕扇動涼颿。嘉魴聊可薦。綠蟻方獨持。夏李沉朱實。秋藕折輕絲。良辰竟何許。夙昔夢佳期。坐嘯徒可積。爲邦歲已暮。絃歌終莫取。撫机令自嗤。

曹使下都夜發新林至京邑贈西府同僚

謝朓

大江流日夜。客心悲未央。徒念關山近。終知返路長。秋河曙耿耿。寒渚夜蒼蒼。引領見京室。宮雉正相望。金波麗鳩鵲。玉繩低建章。驅車鼎門外。思見昭丘陽。馳暉不可按。何况隔兩鄉。風雲有鳥路。江漢限無梁。常恐鷹隼擊。時菊委嚴霜。寄言尉羅者。寥廓已高翔。

酬王晉安

謝朓

梢梢枝早勁。塗塗露晚晞。南中榮橘柚。寧知鴻鴈飛。拂霧朝
青閣。日昨坐彤闈。悵望一塗阻。參差百慮依。春草秋更綠。公
子未西歸。誰能久京洛。緇塵染素衣。

奉答內兄希叔

陸厥

嘉惠承帝子。躡履奉王孫。屬叨金馬署。又點銅龍門。出入平
津邸。一見孟嘗尊。歸來翳桑柘。朝夕異涼溫。其徂落固云
是。寂殺終如斯。杜門清三徑。坐檻臨曲池。鳧鷖鳴嘯傳。但荷芰
始參差。雖無田田葉。及爾汎連漪。其春華與秋實。庶子及
家臣。王門所以貴。自古多俊民。離宮收杞梓。華屋富徐陳。平
旦上林苑。日入伊水濱。其二書記既翩翩。賦歌能妙絕。相如
應溫麗。子雲慚筆札。駿足思長阪。柴車畏危轍。愧茲山陽讎。

空此河陽別。其四平原十日飲。中散千里遊。渤海方淫滯。宜
城誰獻酬。屏居南山下。臨此歲方秋。惜哉時不與。日暮無輕
舟。其五

贈張徐州謨

范雲

田家樵採去。薄暮方來歸。還聞稚子說。有客款柴扉。饋從背
珠玑。裘馬悉輕肥。軒蓋照墟落。傳瑞生光輝。疑是徐方牧。既
是復疑非。思舊昔言有。此道今已微。物情棄疵賤。何獨顧衡
闈。恨不具雞黍。得與故人揮。懷情徒草草。淚下空霏霏。寄書
雲間鴈。爲我西北飛。

古意贈王中書

范雲

攝官青瑣闥。遙望鳳皇池。誰云相去遠。脈脈阻光儀。岱山饒

靈異沂水富英奇逸翻陵北海搏飛出南皮遭逢聖明后來
棲桐樹枝竹花何莫莫桐葉何離離可棲復可食此外亦何
爲豈知鷓鴣者一粒有餘貴

贈郭桐廬出谿口見候余既未至郭仍進村維舟久之

郭生方至

任昉

朝發富春渚蓄意忍相思逐令行春返冠蓋溢川坻望久方
來悲歡不自持滄江路窮此湍嶮方自茲疊嶂易成響重
以夜後悲客心幸自弭中道遇心期親好自斯絕孤游從此
辭

河陽縣作二首

潘岳

微身輕蟬翼弱冠忝嘉招在疚妨賢路再升上宰朝猥荷公

叔舉連陪廁王寮長嘯歸東山擁耒耨時苗幽谷茂繼葛峻
巖敷榮條落英隕林趾飛莖秀陵喬甲高亦何常升降在木
朝徒恨良時泰小人道遂消譬如野田蓬幹流隨風飄卷
都邑遊今掌河朔徭登城眷南顧凱風揚微綃洪流何浩蕩
修芒鬱岩峩誰謂晉京遠室邇身實遼誰謂邑宰輕令名患
不劭人生天地間百年孰能要歛如敲石火譬若截道感齊
都無遺聲桐鄉有餘謠福謙在純約害盈由矜驕雖無君人
德視民庶不逃日夕陰雲起登城望洪河川氣冒山嶺驚湍
激巖阿歸鴈映蘭時游魚動圓波鳴蟬厲寒音時菊耀秋華
引領望京室南路在伐柯大厦緬無覲崇芒鬱嵯峨摠摠都
邑人擾擾俗化訛依水類浮萍寄松似懸蘿朱博糾舒慢楚

風被琅邪曲蓬何以直託身依叢麻黔黎竟何常政成在民
和位同單父邑愧無子賤歌豈敢陋微官但恐忝所荷

在懷縣作二首

潘岳

南陸迎修景朱明送末垂初伏啓新節隆暑方赫羲朝想慶
雲興夕遲白日移揮汗辭中宇登城臨清池涼颺自遠集輕
襟隨風吹靈圃耀華果通衢列高椅瓜瓞蔓長苞薑芋紛廣
畦稻栽肅什什黍苗何離離虛薄乏時用位微名日卑驅役
宰兩邑政績竟無施自我違京輦四載迄于斯器非廊廟姿
屢出固其官徒懷越鳥志眷戀想南枝

春秋代遷逝四運紛可喜寵辱易不驚戀本難爲思我來冰
未泮時暑忽隆熾感此還期淹歎彼年往駛登城望郊甸游
目歷朝寺小國寡民務終日寂無事白水過庭激綠槐夾門
植信美非吾上祇攪懷歸志眷然顧鞏洛山川邈離異願言
旋舊鄉畏此簡書忌祇奉社稷守恪居處職司

迎大駕

潘尼

南山鬱岑峯洛川迅且急青松陰修嶺綠縈被廣隰朝日順
長塗夕暮無所集歸雲乘臆浮淒風尋惟入道逢深識上舉
手對吾揖世故尚水夷峭函方峻澁狐狸夾兩轅豺狼當路
立翔鳳嬰籠檻騏驥見維繫俎豆昔常聞軍旅素未習且少
停君駕徐待干戈戢

赴洛詩二首

陸機

希世無高符管道無烈心靖端肅有命假軾越江潭親友贈

子邁揮淚廣川陰撫膺解攜手永歎結遺音無迹有所厝寂
漠聲必沈肆目眇不及緬然若雙游南望泣玄渚北邁涉長
林谷風拂修薄油雲翳高岑疊疊孤獸嘒嘒思鳥吟感物
戀堂室離思一何深佇立愴我歎寤寐涕盈衿惜無懷歸志
辛苦誰爲心

羈旅遠游宦託身承華側撫劍遵銅鞮長纓盡祗肅歲月一
何易寒暑忽已革載離多悲心感物情悽惻慷慨遺安愈永
歎廢餐食思樂樂難誘日歸歸未克憂苦欲何爲纏綿胷與
臆仰瞻陵霄鳥羨爾歸飛翼

赴洛道中作一首

陸機

總轡登長路嗚咽辭密親借問于何之世網嬰我身永歎遵

北渚遺思結南津行行遂已遠野途曠無人山澤紛紜餘林
薄杳冥眠虎嘯深谷底雞鳴高樹巖哀風中夜流孤獸更我
前悲情觸物感沈思鬱纏紉佇立望故鄉顧影悽自憐
遠遊越山川山川脩且廣振策陟崇丘安轡遵平莽夕息抱
影寐朝徂銜思往頓轡倚嵩巖側聽悲風響清露墜素輝明
月一何朗撫枕不能寐振衣獨長想

吳王郎中時從梁陳作

陸機

在昔蒙嘉運矯迹入崇賢假翼鳴鳳條濯足升龍淵玄冕無
醜士冶服使我妍輕劍拂鞞厲長纓麗且鮮誰謂伏事淺契
闊踰二年薄言肅後命改服就藩臣夙駕尋清軌遠遊越深
陳感物多遠念慷慨懷古人

始作鎮軍參軍經曲阿作

陶潛

弱齡寄事外委懷在琴書被褐欣自得屢空常晏如時來苟
宜會宛轡憩通衢投策命晨旅暫與園田疎眇眇孤舟逝綿
綿歸思紆我行豈不遙登降千里餘目倦修塗異心念山澤
居望雲慚高鳥臨水愧游魚真想初在襟誰謂形迹拘聊且
憑化遷終反班生廬

辛丑歲七月赴假還江陵夜行塗口作

陶潛

閑居三十載遂與塵事冥詩書敦宿好林園無俗情如何舍
此去遙遙至西荆叩枻親月船臨流別友生涼風起將夕夜
景湛虛明昭昭天宇闊鼎鼎川上平懷役不遑寐中宵尚孤
征商歌非吾事依依在耜耨投冠旋舊墟不為好爵榮養真
衡茅下庶以善自名

永初三年七月十六日之郡初發都

謝靈運

述職期闌暑理棹變金素秋岸澄夕陰火旻圃朝露辛苦誰
為情遊子值頽暮愛似莊念昔久敬曾存故如何懷仁心持
此謝遠度李牧愧長袖卻克慚躡步良時不見遺醜狀不成
惡日余亦支離依方早有慕生幸休明世親蒙英達顧空班
趙氏璧徒乖魏王瓠從來漸二紀始得傍歸路將窮山海迹
永絕賞心晤

過始寧墅

謝靈運

束髮懷耿介逐物遂推遷遠志似如昨二紀及茲年緇磷謝

清曠波瀾漸貞堅拙疾相倚薄還得靜者便剖竹守滄海在
帆過舊山山行窮卷頓水涉盡泗汭巖峭嶺稠疊洲繁渚連
綿白雲抱幽石綠篠媚清漣葺宇臨廻江築觀基曾巖揮手
告鄉曲三載期歸旋且爲樹枌檟無令孤願言

富春渚

謝靈運

宵濟漁浦潭旦及富春郭定山緬雲霧赤亭無淹薄溯流觸
驚急臨圻阻參錯亮乏伯昏分險過呂梁壑滌至宜使習兼
山貴止託平生協幽期淪躓因微弱久露干祿請始果遠遊
諾宿心慚申寫萬事俱零落懷抱既昭曠外物徒龍蠖

七里瀨

謝靈運

羈心積秋長長積展遊眺孤客傷近瀨徒旅苦奔峭石淺水

潺湲日落山照曜蒸林紛沃石及禽相向嘯遺物悼遷斥存
期得夢妙既秉上皇心豈屑末代謂目覩嚴子瀨想屬任公
釣誰謂古今殊異代可同調

登江中孤嶼

謝靈運

江南倦歷覽江北曠周旋懷雜道轉迴尋異景不延亂流越
正絕孤嶼媚中川雲日相輝映空水共澄鮮表靈物莫與繼
真誰爲傳想像崑山姿緬邈區中緣始信安期術得盡養生
年

初去郡

謝靈運

彭薛裁知恥貢公未遺榮或可優食競豈足稱達生伊子乘
微尚拙訥謝浮名廬園當棲巖卑位代躬耕願已雖自訥心

迹猶未并無庸妨。周任有疾，像良卿畢娶類。尚了薄游似剛生。恭承古人意，促裝返柴荆。牽絲及元興，解纜在景平。負心二十載，於今廢將迎。理棹過還期，遵渚驚修桐。迴谿終水涉，登嶺始山行。野曠沙岸淨，天高秋月明。憩石挹飛泉，攀林奉落英。戰勝臞者肥，止鑿流歸停。卽是親周化，獲我擊壤聲。

初發石首城

謝靈運

白日尚可磨，斯言竟為繹。雖抱中孚爻，猶勞貝錦詩。寸心若
不亮，微命察如絲。日月垂光景，成貸遂兼茲。出宿薄京畿，晨
裝搏曾颺。重經平生別，再與朋知辭。故山日已遠，風波豈還
時。迢迢萬里帆，茫茫終何之。游當羅浮行，息必廬霍期。越海
陵，三山游。相歷九嶷，欽聖若。旦暮懷賢，亦懷其皎皎。明發心
不為歲寒欺。

道路憶山中

謝靈運

采菱調易急，江南歌不緩。楚人心昔絕，越客腸今斷。斷絕雖
殊念，俱為歸慮歎。存鄉爾思積，憶山我憤懣。追尋棲息時，偃
臥任縱誕。得性非外求，自己為誰纂。不怨秋夕長，恒苦夏日
短。濯流激湍，湍息陰倚密竿。懷故丘，新歡合。悲忘春，暝悽悽。
明月吹惻惻，廣陵散殷勤。訴危柱，慷慨命促管。

入彭蠡湖口作

謝靈運

客游倦水宿，風潮難具論。洲島驟廻合，圻岸屢崩奔。乘月聽
哀猿，泥露馥芳蓀。春晚綠野秀，巖高白雲屯。千念集日夜，萬
感盈朝昏。攀崖照石鏡，牽葉入松門。三江事多往，九派理空

存靈物去珍怪異人秘精魂金膏滅明光水碧緩流溫徒作
千里曲絃絕念彌致

入華子岡是麻源第三谷

謝靈運

南州實炎德桂樹陵寒山銅陵映碧澗石磴瀉紅泉既在隱
淪客亦棲肥遁賢險徑無測度大路非術阡遂登羣峯首邈
若升雲煙羽人絕髮鬢丹丘徒空筮圖牒復磨滅碑版誰聞
傳莫辨百世後安知千載前且申獨往意乘月弄潺湲恒充
俄頃用豈爲古今然

北使洛

顏延之

改服飭徒旅首路踰險巖振楫發吳洲秣馬陵楚山塗出梁
宋郊道由周鄭開前登陽城路日夕望三川在昔曠期運經
始闢聖賢伊瀝絕津濟臺館無尺椽宮陛多巢穴城闕生
雲煙王猷升八表嗟行方暮年陰風振涼野飛雲翳窮天
臨塗未及引置酒慘無言隱閔徒御悲威遲良馬煩遊役
去芳時歸來屢徂望蓬心既已矣飛薄殊亦然

還至梁城作

顏延之

眇默軌路長憔悴征戍勤昔邁兇祖師今來後歸軍振策瞻
東路傾側不及羣息徒頓將夕極望梁陳分故國多喬木空
城凝寒雲丘隴填郭郭銘誌滅無文木石肩幽闔黍苗延高
墳惟彼雍門子吁嗟孟嘗君愚賤同湮滅尊貴誰獨聞曷爲
久游客憂念坐自殷

始安郡還都與張湘州登巴陵城樓作

江漢分楚望，衡坐奠南服。三湘淪洞庭，七澤藹荆牧。經塗延舊軌，登園訪川陸。水國尚地險，河山信重複。却倚雲夢林，前瞻京臺固。清氛霽岳陽，曾暉薄瀾澳。悽矣自遠風，傷哉千里目。萬古陳往還，白代勞起伏。存沒竟何人，炯介在明淑。請從上世人，歸來執桑竹。

顏延之

還都道中作

鮑昭

昨夜宿南陵，今日入蘆洲。客行惜日月，崩波不可留。侵星赴早路，畢景逐前儔。鱗鱗夕雲起，獵獵晚風遒。騰沙鬱黃霧，翻浪揚白鷗。登艫眺淮甸，掩泣望荆流。絕目盡平原，時見遠煙浮。倏悲坐還合，俄思甚兼秋。未嘗違戶庭，安能千里游。誰令乏古節，貽此越鄉憂。

之宣城出新林浦向版橋

謝朓

江路西南永，歸流東北鶩。天際識歸舟，雲中辨江樹。旅思倦搖搖，孤游昔已屢。既懽懷祿情，復協滄洲趣。踟躕塵自茲，隔賞心於此。遇雖無玄豹，姿終隱南山霧。

敬亭山

謝朓

茲山且百里，合沓與雲齊。隱淪既已託，靈異居然棲。上下蔽白日，下屬帶迴谿。交藤荒且蔓，樛枝聳復低。獨鶴方朝唳，飢鷹此夜啼。溽雲已漫漫，多雨亦凄凄。我行雖紆組，兼得尋幽蹊。緣源殊未極，歸徑窅如迷。要欲追奇趣，卽此陵丹梯。皇恩竟已矣，茲理庶無睽。

休沐重還道中

謝朓

薄游第從告。思閑願罷歸。還叩歌賦似。休汝車騎非。灞池不可別。伊川難重違。汀葭稍靡靡。江蒹復依依。田鶴遠相呼。沙鷗忽爭飛。雲端楚山見。林表吳岫微。試與征徒望。鄉淚盡霑衣。賴此盈樽酌。含景望芳菲。問我勞何事。雲沐仰清微。志狹輕軒冕。恩甚戀重闈。歲華春有酒。初服偃郊扉。

晚登三山還望京邑

謝朓

灞浹望長安。河陽視京縣。白日麗飛臺。參差皆可見。餘霞散成綺。澄江靜如練。喧鳥覆春洲。雜英滿芳甸。去矣方滯淫。懷哉罷歡宴。佳期悵何許。淚下如流霰。有情知望鄉。誰能冀不變。

京路夜發

謝朓

擾擾整夜裝。蕭蕭戒程祖。兩曉星正家。落晨光復泱。猶霑餘露團。稍見朝霞吐。故鄉邈已賈。山川修且廣。文奏方盈前。懷人去心賞。勅躬每踟躕。瞻恩唯震蕩。行矣倦路長。無由稅歸鞅。

望荆山

江淹

奉義至江漢。始知楚塞長。南關繞桐柏。西岳出魯陽。寒郊無留影。秋日懸清光。悲風撓重林。雲霞肅川漲。歲晏君如何。零淚霑衣裳。玉柱空掩靈。金樽坐含霜。聞苦寒奏。再使豔歌傷。

旦發漁浦潭

丘遲

漁潭霧未開。赤亭風已颺。樵歌發中流。鳴鞞響杏障。村童忽
相聚。野老時一望。詭怪石異象。嶄絕峯殊狀。森森荒樹齊。折
桁寒沙漲。藤垂鳥易陟。崖傾嶼難傍。信是永幽棲。豈徒暫清
曠。坐嘯昔有委。臥治今可尚。

早發定山

沈約

風齡愛遠壑。晚泄見奇山。標峯綵虹外。置嶺白雲間。傾壁忽
斜豎。絕頂復孤圓。歸海流漫漫。出浦水濺濺。野棠開未落。山
櫻發欲然。忘歸屬蘭杜。懷祿寄芳全。眷言採三秀。徘徊望九
仙。

新安江水至清淺深見底貽京邑游好

沈約

眷言訪舟客。茲川信可珍。洞澈隨深淺。皎鏡無冬春。千仞寫
喬樹。百丈見游鱗。滄浪有時濁。清濟涸無津。豈若乘斯去。俯
映石磷磷。紛吾隔囂滓。寧假濯衣巾。願以潺湲水。霑君纓上
塵。

從軍詩五首

士榮

從軍有苦樂。但問所從誰。所從神且武。焉得久勞師。相公征
關右。赫怒震天威。一舉滅獯虜。再舉服羌夷。西收邊地賦。忽
若俯拾遺。陳賞越丘山。酒肉踰川坻。軍中多飫饒。人馬皆溢
肥。徒行兼乘還。空出有餘資。拓地三千里。往返速若飛。歌舞
入鄴城。所願獲無違。晝日處大朝。日暮薄言歸。外參時明政。
內不廢家私。禽獸憚爲犧。良苗實已揮。穡暴負鼎翁。願厲朽

鏡姿不能效。沮溺相隨。把鋤穉。熟覽夫子詩。信知所言非。涼風厲秋節。司典告詳刑。我君順時發。桓桓東南征。汎舟益長川。陳卒被隰垌。征夫懷親戚。誰能無戀情。拊衿倚舟楫。眷眷思鄴城。哀彼東山人。喟然感鶴鳴。日月不安處。人誰獲恒寧。昔人從公日。徂軫一齡今。我神武帥。暫往必速平。棄余親睦。恩輸力竭。忠貞懼無一夫用。報我素餐。誠以夜自忤性。思逝若抽縈。將秉先登羽。豈敢聽金聲。

從軍征遐路。討彼東南夷。方舟順廣川。薄暮未安城。白日半西山。桑梓有餘暉。蟋蟀火岸鳴。孤鳥翩翩飛。征夫心多懷。悽愴令悲。下船登高防。草露濡我衣。迴身赴床寢。此愁當告誰。身服上戈事。豈得念所私。卽戎有授命。茲理不可違。

朝發鄴都橋。暮濟白馬津。逍遙河隄上。左右望我軍。連舫踰萬艘。帶甲千萬人。率彼東南路。將定舉勳籌。策運帷幄一由我。聖君恨我無時謀。譬諸具官。臣鞠躬中堅。內微甚無所陳。許歷爲完士。一言猶敗秦。我有素餐責。誠愧伐檀人。雖無鉞刀用。庶幾奮薄身。悠悠涉荒路。靡靡我心愁。四望無煙火。但見林與丘。城郭生榛棘。蹊徑無所由。蘗蒲竟廣澤。葭葦夾長流。日夕涼風發。翩翩漂吾舟。寒蟬在樹鳴。鸛鷓摩天游。客子多悲傷。淚下不可收。朝人譙郡界。曠然消人憂。雞鳴達四境。黍稷盈原疇。館宅充鄗里。士女滿莊廬。自非賢聖國。誰能享斯休。詩人美樂土。雖客猶願留。

宋郊祀歌二首四二

顏延之

寅威寶命。嚴恭帝祖。炳海表岱。系唐胄。楚靈監睿。又民屬睿。
武奄受敷。錫宅中拓。宇亘地稱。皇聲天作。日月竈來。賓日際
奉土。開元首。正禮交樂。舉六典聯事。九官列序。有幹在滌。有
潔在俎。以薦王衷。以答神祐。維聖饗帝。維孝饗親。皇乎備矣。
有事上春。禮行宗祀。敬逢郊禋。金枝中樹。廣樂四陳。陟配在
京。降德在民。夙精昭夜。高燎煬晨。陰明浮燦。沈禁深淪。告成
大報。受釐元神。月御案節。星驅扶輪。遙駕曜曜。振振

樂府四首 五言古辭

飲馬長城窟行

青青河畔草。絲絲思遠道。遠道不可思。夙昔夢見之。夢見在
我傍。忽覺在他鄉。他鄉各異縣。展轉不可見。枯桑知天風。海

水知天寒。人門各自媚。誰肯相爲言。客從遠方來。遺我雙鯉
魚。呼童烹鯉魚。中有尺素書。長跪讀素書。書中竟何如。上有
加餐食。下有長相憶。

君子行

平調

君子防未然。不處嫌疑間。瓜田不納履。李下不整冠。嫂叔不
親授。長幼不比肩。勞謙得其柄。和光甚獨難。周公下白屋。吐
哺不及餐。一沐三握髮。後世稱聖賢。

傷歌行

側調

昭昭素明月。暉光燭我牀。憂入不能寐。耿耿夜何長。微風吹
闥闥。羅幃自飄颻。攬衣曳長帶。展履下高堂。東西安所之。徘徊
以徬徨。春鳥翻南飛。翩翩獨翔翔。悲聲命儔匹。哀鳴傷我

腸感物懷所思泣涕忽霑裳佇立吐高吟舒憤訴穹蒼

長歌行

平調占辭

青青園中葵朝露待日晞陽春布德澤萬物生光輝常恐秋節至焜黃華葉衰百川東到海何時復西歸少壯不努力老大徒傷悲

怨歌行

班婕妤

新裂齊紈素鮮潔如霜雪裁成合歡扇團團似明月出入君懷袖動搖微風發常恐秋節至涼颼奪炎熱棄捐篋笥中恩情中道絕

樂府二首

短歌行 四言

魏武帝

對酒當歌人生幾何譬如朝露去日苦多慨當以慷憂思難忘何以解憂唯有杜康青青子衿悠悠我心但為君故沈吟至今呦呦鹿鳴食野之苹我有嘉賓鼓瑟吹笙明明如月何時可掇憂從中來不可斷絕越陌度阡枉用相存契濶談讌心念舊恩月明星希烏鵲南飛繞樹三匝何枝可依山不厭高海不厭深周公吐哺天下歸心

苦寒行 五言

魏武帝

北上太行山艱哉何巍巍羊腸阪詰屈車輪爲之摧樹木何蕭索北風聲正悲熊羆對我蹲虎豹夾路啼谿谷少人民雪落何霏霏延頸長歎息遠行多所懷我心何怫鬱思欲一東歸水深橋梁絕中道正徘徊迷惑失故路薄暮無宿棲行行

日已遠人馬同時饑。囊行取薪斧冰持。作糜悲彼東山詩。悠悠使我哀。

樂府二首

善哉行 四言

魏文帝

土山采薇薄暮苦飢。谿谷多風霜露沾衣。野雉羣雉。猿猴相追。還望故鄉鬱何壘壘。高山有崖。林木有枝。憂來無方。人莫之知。人生如寄。多憂何爲。今我不樂。日月如馳。湯湯川流。中有行舟。隨波轉薄。有似客遊。策我良馬。被我輕裘。載馳載驅。聊以忘憂。

燕歌行 七言

魏文帝

秋風蕭瑟。天氣涼。草木搖落。露爲霜。羣鷺辭歸。鴈南翔。念君客遊。思斷腸。慄慄思歸。戀故鄉。何爲淹留。寄他方。賤妾笑焚。守空房。憂來思君。不敢忘。不覺淚下。霑我衣。夜夜發清商。短歌微吟。不能長。明月皎皎。照我牀。星漢西流。夜未央。牽牛織女。遙相望。爾獨何辜。恨河梁。

樂府詩四首

飲侯引 五言

曹植

置酒高殿上。親友從我游。中厨辦豐膳。烹羊宰肥牛。秦軍何慷慨。齊瑟和且柔。陽阿歎奇舞。京洛出名謳。樂飲過三爵。緩帶傾庶羞。主稱千金壽。賓奉萬年酬。久要不可忘。薄終義所尤。謙謙君子。德馨折欲何求。驚風飄白日。光景馳西流。盛時不可再。百年忽我遒。生在華屋處。零落歸山丘。先民誰不死。

五言

知命復何憂

名都篇

曹植

名都多妖女。京洛出少年。寶劍直千金。被服麗且鮮。關雞東
郊道。走馬長楸間。馳騁未能半。雙兔過我前。捷鳥鏑長
驅。上南山。左挽因右發。一縱兩禽連。餘巧未及展。仰手接飛
鳶。觀者咸稱善。衆工歸我妍。歸來宴平樂。美酒斗十千。膾鯉
騰胎餒。炮鼈炙熊蹯。鳴鳶鳴。侍嘯四侶列。坐竟長筵。連翩擊鞠壤。
巧捷惟萬端。白日西南馳。光景不可攀。雲散還城邑。清晨復
來還。

美女篇

曹植

美女妖且閑。采桑岐路間。柔條紛冉冉。葉落何翩翩。攘袖見
素手皓腕約。金環頭上金爵飲。腰佩翠琅玕。明珠交玉體。珊瑚
照木難。羅衣何飄飄。輕裾隨風還。顧盼遺光彩。長嘯氣若
蘭。行徒用息駕。休者以忘餐。借問女安在。乃在城南端。青樓
臨大路。高門結重關。容華耀朝日。誰不希令顏。媒氏何所管。
玉帛不時安。佳人慕高義。求賢良獨難。衆人徒嗷嗷。安知彼
所歡。盛年處房室。中夜起長歎。

白馬篇

曹植

白馬飾金羈。連翩西北馳。借問誰家子。幽作遊俠兒。少小去
鄉邑。揚聲沙漠垂。宿昔秉良弓。楛矢何參差。控弦破左的。右
發摧月支。仰手接飛猱。俯身散馬蹄。狡捷過猴猿。勇剽若豹
螭。邊城多警急。虜騎數遷移。羽檄從北來。厲馬登高隄。長驅

蹈匈奴左顧陵鮮甲棄身鋒刃端性命安可懷父母且不顧
何言子與妻名編壯士籍不得中顧私捐軀赴國難視死忽
如歸

王明君辭

并序

石崇

王明君者本足王昭君以觸文帝諱改之匈奴盛請婚於漢
元帝以後官良家子昭君配焉昔公主嫁烏孫合琵琶馬上
作樂以慰其道路之思其送明君亦必爾也其造新之曲多
哀怨之聲故叙之於紙云爾

我本漢家子將適單于使爾決未及終刑驅已抗旌僕御涕
流離懷馬悲日鳴哀鬱傷五內泣淚霑珠瓊行行日已遠遂
遣匈奴城延我於穹廬加我閼氏名殊類非所安雖貴非所
榮父子見陵辱對之慚且驚殺身良不易默默以苟生苟生
亦何聊積思常憤盈願假飛鴻翼乘之以遐征飛鴻不我顧
佇立以屏營昔爲匣中玉今爲糞上英朝華不足歡甘與秋
草并傳語後世人遠嫁難爲情

樂府詩十七首

猛虎行 雜言

陸機

渴不飲盜泉水熱不息惡木陰惡木豈無枝志士多苦心整
駕肅時命杖策將遠尋饑食猛虎窟寒棲野雀林日歸功未
建時往歲載陰崇雲臨岸駭鳴條隨風吟靜言幽谷底長嘯
高山岑急絃無懦響亮節難爲音人生誠未易曷云開此衿
眷我耿介懷俯仰愧古今

君子行

陸機

天道夷且簡，人道險而難。休咎相乘蹶，翻覆若波瀾。去疾苦不遠，疑似實生患。近火因宜熱，履冰豈惡寒。撥蜂滅天道，拾塵惑孔顏。逐臣尚何有，棄友焉足歎。福鍾恒有兆，禍集非無端。天損未易辭，人益猶可懼。朗鑒豈遠假，取之在傾冠。近情苦自信，君子防未然。

從軍行

陸機

苦哉遠征人，飄飄窮四遐。南陔五嶺巔，北戍長城阿。深谷邈無底，崇山鬱嵯峨。奮臂攀喬木，振迹涉流沙。隆暑固已慘，涼風嚴且苛。夏條焦解藻，寒冰結衝波。胡馬如雲屯，越旗亦星羅。飛鋒無絕影，鳴鏑自相和。朝餐不免胄，夕息常負戈。苦哉遠征人，撫心悲如何。

豫章行

陸機

汎舟清山渚，遙望高山陰。川陸殊途軌，諮親將遠尋。三荆歡同株，四鳥悲異林。樂會良自占，悵別豈獨今。寄世將幾何，日異無停陰。前路既已多，後塗隨年侵。促促薄暮景，營營辭克禁。曷爲復以茲，曾是懷苦心。遠節嬰物淺，近情能不深。行矣保嘉福，景絕繼以音。

苦寒行

陸機

北游幽朔城，涼野多嶮難。俯入穹谷底，仰陟高山盤。凝冰結重澗，積雪被長巒。陰雲興巖側，悲風鳴樹端。不觀白日景，但聞寒鳥喧。猛虎憑林嘯，玄猿臨岸歎。夕宿喬木下，慘愴恒解

歡渴飲堅冰漿飢待零露餐離思固已久寤寐莫與言劇哉
行役人慊慊恒苦寒

飲馬長城窟行

陸機

驅馬陟陰山山高馬不前往問陰山候勁虜在燕然戎車無
停軌旌旆屢徂遷仰憑積雪巖俯涉堅冰川冬來秋未反去
家邈以縣狹猶亮未夷征人豈徒旋未德爭先鳴凶器無兩
全師克薄賞行軍沒微軀捐將遵甘陳迹收功單于旃振旅
榮歸士受爵豪街傳

門有車馬客行

陸機

門有車馬客駕言發故鄉念君久不歸濡跡涉江湘投袂赴
門塗攬衣不及裳撫膺携客泣掩淚叙溫涼借問邦族間惻
愴論存亡親友多零落舊齒皆凋喪市朝互遷易城闕或丘
荒墳壠日月多松柏鬱芒芒天道信崇替人生安得長慷慨
惟平生俛仰獨悲傷

君子有所思行

陸機

命駕登北山延佇望城郭屢里一何盛街巷紛漠漠甲第崇
高閣洞房結阿閣曲池何湛湛清川帶華薄遂宇列綺窻蘭
室接羅幕淑貌色斯升哀音承顏作人生誠行邁客華隨年
落善哉膏粱士管生奧且博宴安消靈根醜毒不可恪無以
肉食資取笑葵與藿

齊謳行

陸機

管丘負海曲沃野爽且平洪川控河濟崇山入高冥東被姑

尤側南界聊攝城海物錯萬類陸產尚千名孟諸吞楚夢百
二侔秦京惟師恢東表桓后定周傾天道有迭代人道無久
盈鄙哉牛山歎未及至人情爽鳩苟已徂吾子安得停行行
將復去長存非所營

日出東南隅行

或曰羅敷豔歌

陸機

扶桑升朝暉照此高臺端高臺多妖麗清房出清顏淑貌耀
皎日惠心清日開美目揚玉澤蛾眉象翠翰解膚一何潤秀
色若可餐窈窕多容儀婉媚巧笑言暮春春服成粲粲綺與
緙金雀垂藻翹瓊瑤結瑤璫方駕揚清塵濯足洛水澗藹藹
風雲會佳人一何繁南崖充羅幕北渚盈軒軒清川含藻景

高岸被華丹覆覆芳袖揮泠泠纖指彈悲歌吐清響雅舞播
幽蘭什脣含九秋妍迹陵七盤赴曲迅驚鴻蹈節如集鸞綺
態隨顏變沈姿無乏源俯仰紛阿那顧步咸可憐遺芳結飛
颺浮景映清淵冷容不足詠春游良可歎

長安有狹邪行

陸機

伊洛有岐路岐路交朱輪輕蓋承華景騰步躡飛塵鳴玉豈
樸儒憑軾皆俊民烈心厲勁秋麗服解芳春余本倦游客蒙
彥多舊親傾蓋承芳訊欲鳴當及晨守一不足矜岐路良可
遵規行無曠迹年步豈逮人投足緒已爾四時不必循將遂
殊塗軌要子同歸津

前緩聲歌

陸機

游仙聚靈族。高會曾城阿。長風萬里舉。慶雲鬱嵯峨。處如興
洛浦。王韓起太華。北徵瑤臺女。南要湘川娥。肅肅霄駕動。翻
翩翠蓋羅。羽旗棲瓊臺。玉衡吐鳴和。天容揮高絃。洪崖發清
歌。獻酬既已周。輕舉乘紫霞。總轡扶桑枝。濯足湯谷波。清輝
溢天門。垂慶惠皇家。

長歌行

陸機

逝矣經天日。悲哉帶地川。寸陰無停晷。尺波豈徒旋。年往迅
勁矢。時來亮急弦。遠期鮮克及。盈數固希全。容華夙夜零。體
澤坐自捐。茲物苟難停。吾壽安得延。俛仰逝將過。倏忽幾何
間。慷慨亦焉訴。天道良自然。但恨功名薄。竹帛無所宣。逮及
歲未暮。長歌承我閑。

吳趨行

陸機

楚妃日。勿歎齊娥且。莫譎四坐並。清聽聽我歌。吳趨吳趨自
有始。請從昌門起。昌門何峨峨。飛閣跨通波。重巖承游瀨。回
軒啓曲阿。藹藹慶雲被。泠泠祥風過。山澤多藏育。上風清且
嘉。泰伯導仁風。仲雍揚其波。穆穆延陵子。灼灼光諸華。王迹
翔陽九。帝功興四遐。大阜自富春。矯手頓世羅。邦彥應運興。
祭若春林葩。屬城咸有士。吳邑最爲多。八族未足修。四姓實
名家。文德熙淳懿。武功侔山河。禮讓何濟濟。流化自滂沱。淑
美難窮紀。商摧爲此歌。

塘上行

陸機

江離生幽渚。微芳不足宣。被蒙風雲會。移居華池邊。發藻玉

臺下垂影滄浪泉沾潤既已渥結根與日堅四節逝不處華
繁難久鮮淑氣與時隕餘芳隨風捐大道有遷易人理無常
全男懼智傾愚女愛衰避妍不惜微軀退但懼蒼蠅前願君
廣末光照妾薄暮年

悲哉行

游客芳春林春芳傷客心和風飛清響解雲垂薄陰蕙草能
淑氣時鳥多好音翩翩鳴鳩羽啾啾倉庚吟幽蘭盈通谷長
秀被高岑女蘿亦有託蔓葛亦有尋傷哉客游士憂思一何
深且感隨氣草且悲詠時禽宿寐多遠念緬然若飛沈願託
歸風響寄言遺所欽

短歌行 四言

陸機

置酒高堂悲歌臨觴人壽幾何逝如朝霜時無重至華不再
陽燧以春暉蘭以秋芳來日苦短去日苦長今我不樂蟋蟀
在房樂以會興悲以別章豈日無感憂爲子忘我酒既旨我
殺既臧短歌有詠長夜無荒

樂府詩

會吟行 五言

謝靈運

六引緩清唱二調停繁音列筵皆靜寂咸共聆會吟會吟自
有初請從文命救救積帝冀始刊木至江汜列宿炳天文負
海橫地理連峯鏡千仞背流各白甲漣池溉粳稻輕雲暖松
杞兩京愧佳塵三都豈能似層臺指中大高甍積崇雉飛燕
躍廣途鶴首戲清洲肆尾窈窕客路曠便娟子自來淵年代

賢達不可紀，句踐善廢興。越叟識行止，范蠡出江湖。梅福入
城市，東方就旅逸。梁鴻去桑梓，牽綬書土風。辭殫意未已。

樂府詩八首

東武吟

鮑昭

主人日勿諱，賤子歌一言。僕本寒鄉士，出身蒙漢恩。始隨張
校尉，占募到河源。後逐李輕車，追虜窮塞垣。密塗且萬里，寧
歲猶七奔。肌膚盡鞍甲，心思歷涼溫。將軍既下世，部曲亦罕
存。時事一朝異，孤積誰復論。少壯辭家去，窮老還入門。腰鎌
刈葵藿，倚杖牧雞豚。昔如韞上鷹，今似檻中猿。徒結千載恨，
空負百年怨。棄席思君幄，疲馬戀君軒。願垂晉主惠，不愧田
子魂。

出自薊北門行

鮑昭

羽檄起邊亭，烽火入咸陽。徵騎屯廣武，分兵救朔方。嚴秋筋
竿勁，虜陣精且彊。天子按劍怒，使者遙相望。鴈行緣石徑，魚
貫度飛梁。蕭鼓流漢思，旄甲被胡霜。疾風衝塞起，沙礫自飄
揚。馬毛縮如蝟，角弓不可張。時危見臣節，世亂識忠良。投軀
報明主，身死爲國殤。

結客少年場行

鮑昭

驄馬金絡頭，錦帶佩吳鉤。失意杯酒間，白刃起相讎。追兵
且至，負劍遠行遊。去鄉三十載，復得還舊丘。登高臨四關，表
裏望皇州。九塗平若水，雙闕似雲浮。扶官羅將相，夾道列王
侯。日中市朝滿，車馬若川流。擊鐘陳鼎食，方駕自相求。今我

獨何爲。嗚呼。懷自憂。

東門行

鮑昭

傷會惡。弦驚倦客。忘離聲。離聲斷。客情。賓御皆涕零。涕零心
斷絕。將去復還。決息不相知。何況異鄉別。遙遙征駕遠。百
杳落日晚。居人掩閨。臥行了夜中。飯野風吹。秋水行子心腸
斷。食梅常苦酸。衣葛常苦寒。絲竹徒滿坐。憂人不解顏。長歌
欲自慰。彌起長恨端。

苦熱行

鮑昭

赤阪橫。西門火山赫。南威身熱。頭目痛。烏墮魂來歸。湯泉發
雲潭。焦煙起石圻。日月有恒昏。雨露未常晞。丹蛇踰白人。玄
峰盈十圍。含沙射流影。吹蠱痛行暉。瘴氣晝熏體。茵露夜沾

衣。飢獲其下。食晨禽不取。飛塵溼尚多。死波瀟密。貝肥生。龜
蹈死地。昌志登。廟機戈船樂。既薄伏波賞。亦微爵。君尚惜
士重安。可希。

白頭吟

鮑昭

直如朱絲繩。清如玉壺冰。何慚宿昔意。猜恨坐相仍。人情賤
恩舊。世議逐哀興。毫髮一爲瑕。丘山不可勝。食苗實碩鼠。玷
白信蒼蠅。鳧鷖遠成美。薪芻前見陵。申黜褒女進。班去趙姬
昇。周王日淪惑。漢帝益嗟稱。心賞猶難恃。貌恭豈易憑。古來
共如此。非君獨撫膺。

放歌行

鮑昭

蓼蟲避葵藿。習苦不言非。小人自幽巖。安知曠。懷雜鳴洛

文選 卷之六
城裏禁門平日開冠蓋縱橫至車騎四方來素帶曳長繩華
纓結遠埃日中安能止鐘鳴猶未歸夷世不可逢賢君信愛
才明慮自天斷不受外嫌猜一言分珪爵片善辭草萊豈伊
白璧賜將起黃金臺今君有何疾臨路獨遲迴

升天行

鮑昭

家世宅關輔勝帶宦王城備聞上帝事委曲兩都情倦見物
興哀驟觀俗屯平翩翩類翔掌恍惚似朝榮窮途悔短計晚
志重長牛從師入遠岳結友事仙靈五圖發金記九籀隱丹
經風餐委松宿雲臥恣天行冠霞登綵閣解玉飲椒庭躑游
越萬里近別數千齡鳳臺無還駕蕭管有遺聲何時與爾曹
啄腐共吞腥

鼓吹曲

謝朓

江南佳麗地金陵帝王州逶迤帶綠水迢遞起朱樓飛甍火
馳道垂楊蔭御溝凝旒翼高蓋疊鼓送華輶獻納雲臺表功
名良可收

挽歌詩

繆襲

生時游國都死沒棄中野朝發高堂下暮宿黃泉下白日入
虞淵懸車息馴馬造化雖神明安能復在我形容稍歇滅齒
髮行當墮自古皆有然誰能離此者

挽歌詩三首

陸機

卜擇考休貞嘉命咸在茲夙駕警徒御結轡頓重基籠輅被
廣柳前驅矯輕旗殞宮何嘈嘈辰響沸中闈中闈且勿謹聽

我薤露詩。先生各異倫。祖載當有時。舍爵兩楹位。啓殯進靈
輜。飲餞觴莫舉。出宿歸無期。帷衽曠遺影。棟宇與子辭。周親
咸奔湊。友朋自遠來。翼翼飛輕軒。駸駸策素騶。按轡遵長薄。
送子長夜臺。呼子子不聞。泣子子不知。歎息重。櫬側念我疇。
昔時三秋猶足收。萬世安可思。殉沒身易。救子非所能。含
言言哽咽。揮涕涕流離。

流離親友思。惆悵神不泰。素驂佇輔軒。玄駟驚飛蓋。哀鳴典
殯宮。廻遲悲野外。魂與寂無響。但見冠與帶。備物象平生。良
旌誰爲飾。悲風微行軌。傾雲結流霑。振策指靈丘。駕言從此
逝。

重阜何崔嵬。玄廬竄其間。旁薄立四楹。穹隆放蒼天。側聽陰

溝涌。臥觀天井懸。廣宵何寥廓。大暮安可晨。人往有反歲。我
行無歸年。昔居四民宅。今託萬鬼隣。昔爲七尺軀。今成灰與
塵。金玉素所佩。鴻毛今不振。豐肌饜螻蟻。妍骸永夷泯。壽堂
延魑魅。虛無自相賓。螻蟻爾何怨。魑魅我何親。拊心痛荼毒。
永歎莫爲陳。

挽歌詩

陶潛

荒草何茫茫。白楊亦蕭蕭。嚴霜九月中。送我出遠郊。四面無
人居。高墳正嶢嶢。馬爲仰天鳴。風爲自蕭條。幽室一已閉。千
年不復朝。千年不復朝。賢達無奈何。向來相送人。各已歸其
家。親戚或餘悲。他人亦已歌。死去何所道。託體同山阿。

雜歌

燕太子丹使荆軻刺秦王丹祖送於易水上高漸離擊筑荆軻歌宋如意和之曰
風蕭蕭兮易水寒壯士一去兮不復還

漢高祖歌 并序

高祖還過沛留置沛宮悉召故人父老子弟佐酒發沛中兒得百二十人教之歌酒酣上擊筑自歌曰
大風起兮雲飛揚威加海內兮歸故鄉安得猛士兮守四方

扶風歌 五言

劉琨

朝發廣莫門暮宿丹水山左手彎繁弱右手揮龍淵顧瞻望宮闕俯仰御飛軒據鞍長歎息淚下如流泉繫馬長松下發

鞍高岳頭烈烈悲風起泠泠澗水流揮手長相謝哽咽不能言浮雲為我結歸鳥為我旋去家日已遠安知存與亡慷慨窮林中抱膝獨摧藏麋鹿遊我前援猴戲我側資糧既乏盡薇蕨安可食攬轡命徒侶吟嘯絕巖中君子道微矣夫子故有窮惟昔李騫期寄在匈奴庭忠信反獲罪漢武不見明我欲競此曲此曲悲且長棄置勿重陳重陳令心傷

中山王孺子妾歌

陸厥

如姬寢臥內班婕坐同車洪波陪飲帳林光宴秦餘歲暮寒飈及秋水落芙蓉子瑕矯後駕安陵泣前魚賤妾終已矣君子定焉如

終